

Bei der Arbeit

15. -20. Aug.

Mir sind euse **Grainelevator** go putzte in Wroxton.

Häääääh was isch dän en Getreidelift, wärded die eine jetzt danke.


Dörf ich vorstelle euse Elevator:

Baujahr: 19 Hundert und es Paar Vertruckti

Fassungsvermögen: 150 000 Buschel in 45 Silo

Geschichtlicher Hintergrund: Zur Ziit wo dEisenbahn da verbii gange isch, häter als Sammel- und Verlade-stell dient. Im Jahr 1994 isch er entleert worde und es bizli spöter sind dSchiene usegrisse worde. Er hät scho gmeint er chön jetzt sini Pension gnüsse. Aber falsch gedacht im Jahre 2000 hät d Legacy Agro dä Elevator kauft (für 50,000 Dollar!!!) und wieder in Betrieb gnoh.

Under dä Blächfassade versteckt sich es usklüglets Fördersystem wo die 45 Silo befüllt und entleert. Über hunderti vo Schieber, Schalter und Seilzüg, wo im ganze Gebäude verteilt sind, chamer da alles stüre. Im Innere isch zimli alles us Holz gefertigt.



Bei der Arbeit 2

22. -27. Aug.

Dä Ueli hät afange dä Weize mit Roundup sprütze um ä Riifigsprozess stoppe. Aber ebe er hät nur agfange. Nacheme Stündli ischer scho wider vor dä Garage gstande.

Zu Verkaufen:

Sehr gepflegter John Deere 4710.

Das Fahrzeug wurde nur am Sonntag und bei schönem Wetter gefahren. Es durften nur die besten Fahrer damit sprayen. Der Boom weist vereinzelt (eigentlich nur eini) Gebrauchtspur(en) auf.

Preis nach Vereinbarung



(Für Spenden auf das Glückskettenkonto 1-33774-63454 sind wir sehr dankbar.)

Bemerkung der Redaktion: Der Sprayer erfreut sich wieder bester Gesundheit.

Bubi spiele, Bubi gsund

28. Aug.

Sit kurzem simer im Besitz vomene eigene Car. D'Char hät eus ihre alti Chevi Blazer vermacht.

I eusere Freiziit hämer das Auto liebevoll restauriert und (fäld-)fahr-tauglich gmacht. Mir händs sogar lackiere lah. Aber überzüged eu doch selber vo dä Schiizer Perfektionsarbeit:



Mer händ sehr viel Spass gha bis jetzt: Durch Sümpfe waten, Rallye fahren, driften, fliegen usw. Bäum umfahre häts dän aber nöd luschtig gfunde, drum stahts jetzt irgend ufemä Fäld und wartet uf dä Abschleppdienst.

Fortsetzung folgt (hoffentlich)

Newsletter Canada

Die Redaktion grüsst

Durch dä unglaublich Ahsturm uf euse Newsletter, isch jetzt au es Grossunternehmen uf eus ufmerksam worde. Sie veröffentlicht all eusi Folge uf ihre Internetsiite. (www.agroverde.ch Ab ins Ausland/ Referenzen)

Nach zäche Gspröch hämer ä agmasseni Prämie usghandelt. **Pro Folg** isch eus es Nachtesse versproche worde.



Es grüsst aus Canada Dani und Ueli